



2015-2016

# Confirmé


Document étudié n°11

Lecture de documents anciens

21 septembre 1547.— Fonds Fyot de Mimeure.

Lettre de Pierre Damant, de Bruxelles, à son beau-frère Odot Collard, à Dijon, à l'occasion du mariage de sa fille Guillemette Collard.

[Page 1 :]



Mon frere, de bon cueur a vous et a ma seur je me recommande, estant tres joyeux de ce que m'escripvés que ma niepce Guillemette est dame des nopces avec ung si honneste personnaige. Affin de satisfaire a ma promesse, je vous envoie pour recouvrer les cinq cens escus soleil du tresorier de Dole, et recognoissance generale, Mouchet comme j'ay promis donner pour l'anoncement dudit mariaige, estant prest fere du semblable pour la lle quant aussy luy treuverés party convenable. Je vous prie

me recommander affectueusement au sire des nopces qui m'a escript fort honorablement. Je me souaide a la feste avec ma compaignie. Dieu leur doit paix et amour perdurable ensamble. Il me plaist bien qu'il est homme de lettre et savant comme m'escripvés, et avec ce issuz de gens de bien. Si il est chose ou je puisse pour eulx, ils me treuveront bon oncle, car j'ayme vos enffans comme les miens. Vous verrés ce que j'escriptz audit Mouchet ; je sçay qu'il ne fera faulte a la delivrance dudit argent. Et en cas qu'il le face, mandés le moy, et incontinant vous envoiray lettre pour le recouvrer a Besançon d'ung bon marchant. Ne recevez que escus si vous ne

Archives départementales de la Côte-d'Or  
www.archives.cotedor.fr



Archives départementales de la Côte-d'Or, 123 J (en cours de classement)




2015-2016

# Confirmé

Document étudié n°11

Lecture de documents anciens

voulés, car je le veulx aussi estre païé.  
Je vous prie de fere mes recommandations et de ma femme  
partout aux parens et amys, et dire a Mademoiselle  
Coutault, ma bonne cousine, que je luy mercie grandement  
l'amyté qu'elle nous demonstre de s'estre employé  
en ce mariaige, comme m'escrivés. L'asseurement que si il



[Page 2:]

estoit chose en quoy luy pohisse fere plesir ou service,  
je le feroye comme a ma propre seur. Jacqueline  
ma fille se recommande aussi a sa bonne grace.  
Pleusist a Dieu que par souay vous pohissiés tous  
estre icy après vostre feste passée pour vous fere  
bonne chere. Vous me serés tous plus que les  
très bienvenuz.  
De mes escolliers ilz sont a Paris avec leurs mestres dois  
la Caresme passée. Nostre sire en face son bon  
plaisir. Il leur fault aventurer pour en fere de  
gens de bien. Ilz n'auront faulte de chose que se

Archives départementales de la Côte-d'Or  
www.archives.cotedor.fr



Archives départementales de la Côte-d'Or, 123 J (en cours de classement)



2015-2016

soit non plus que enffans de prince.  
J'ay le tout veu et entendu du religieux Boisot  
qui est menteur et faict bien de collorer son  
affaire comme il fait. Il me suffit qu'il m'apert de  
ce que m'avez envoyé.

Je vous mercie vos esguillettes, j'en ay pour ma  
vye. Dieu grace, je me pourte bien aussi  
fait ma femme et le mesnaige qui sont  
bien aise de ce que vostredite fille est dame  
des nopces.

Vous m'escuserés que je n'escript a autres. Il m'est  
impossible a cause d'afferes que j'ay presentement  
venir. La Royne ma maistresse, il n'y a  
gueses que vous ay escript mesmement par ledit  
Mouchet, que ne fait que party de par deça pour

[Page 3 :]

s'en retourner par delà. Si n'avez reçu mon paquet,  
vous le recevrez. Il vous viendra a plesir,  
car si la chose sortit effect comme j'espère, elle  
fera et que bien la conduirés, il vous proffitera  
XVI ducatz d'or de rente par an et les arerraiges  
de XIII années. Je vous souaide du bien beaulcoup  
car, Dieu grace, je me contante.

Si j'obmetz quelque chose, vous le supplirés pour  
ceste fois. N'obliés expressément de noz recommandations  
a Monsieur le chanoine Coutault et a Mademoiselle  
la vesve Mougeot que j'ayme singulièrement, et  
a son mary.

La vesve Coutault est a Malines, je luy envoiray  
tout a ceste heure vostre lettre.

Pour ce que je ne veulx ce pourteur viegne a voz despens,  
je luy ay donné ung escu a cause qu'il disoit  
il estoit court d'argent et llll escus qui sont icy  
mis pour le prepaier de son voiaige.

Mon frere, je prie Dieu vous donner longue  
vie en bonne santé. De Bruxelles ce XXIe  
de septembre a° [anno] XLVII

Vostre, comme propre frere  
Pierre Damant.



2015-2016


# Confirmé

## Document étudié n°11

Lecture de documents anciens


[Page 4 :]

Monsieur le secretaire  
Maistre Odot Collard  
mon bon frere  
a Dijon



[Note postérieure :]

De Bruxelles 1547, ou il  
parlé du mariage dou (?) fille  
de M. le secretaire a ladite.



Archives départementales de la Côte-d'Or  
www.archives.cotedor.fr



Archives départementales de la Côte-d'Or, 123 J (en cours de classement)